

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 25 DE XANEIRO DE 2013 ÁS 13.30 HORAS.

Sendo as trece horas e trinta minutos (13:30) do día 25 de xaneiro de 2013, reúnese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

Concelleiros/as asistentes:

Vocais:

Emilio Martínez Carballeira
M^a Eugenia Martín Vicente
M^a Dolores Fernández Álvarez

Isabel González Cancela
José Manuel Miñones Conde

Olalla Alvite del Río
Xosé Anxo Doval Rey
Susana Mallo Redondo

Presidente: Don Ramón García Argibay

Secretaria: Dona Rosa Ana Prada Queipo

ORDE DO DÍA:

Punto primeiro.- Aprobación, se procede, de actas anteriores.

Por unanimidade dos membros presentes se presta aprobación á acta correspondente á sesión ordinaria de 23 de novembro de 2012.

Punto segundo.- Elección de xuíz/a de paz substituto/a do Concello de Ames.

Toma a palabra o señor presidente da comisión don **Ramón García Argibay** para expoñer brevemente que se trata da continuación do expediente iniciado.

Intervén a señora **secretaria** para dicir que a candidata Olalla Gómez Tembra anunciara que ía enviar o certificado de penais, pero este non chegou aínda, polo que só hai dúas candidaturas que cumpren todos os requisitos esixidos.

Se interesan os membros da comisión se algún dos dous candidatos é do concello de Ames, resultando que un deles si, polo que acordan entre todos decantarse a favor deste.

A comisión por unanimidade propón como xuíza de paz substituta do concello de Ames dona Laura Lorenzo Arceo.

Punto terceiro.- Convenio coa xefatura central de tráfico.

O señor presidente da comisión don **Ramón García Argibay** expón brevemente as razóns que fan necesario este convenio, o cal figura no expediente.

Intervén o concelleiro non adscrito don **Xosé Anxo Doval Rey** para interesarse por se se trata dun convenio novo ou xa preexistente, sendo respondido polo señor **presidente** que o convenio xa existe, pero que nesta nova redacción se concreta mais puntualmente a colaboración entre as entidades.

Intervén a señora **secretaria** para expoñer que coa sinatura do convenio hai que propoñer un interlocutor, que habitualmente é o xefe da policía local, e dous representantes, neste último caso o habitual e que un deles sexa o alcalde.

Pregunta o concelleiro non adscrito don **Xosé Anxo Doval Rey** se esa proposta ten

que saír desta comisión, respondendo a señora **secretaria** que o poden decidir mais tarde, se se trata de chegar a un acordo.

Tras un breve cambio de impresións, por unanimidade dos membros presentes se ditamina favorablemente a sinatura do convenio e a designación como interlocutor do inspector da policía local don José Antonio Rodríguez Freire, quedando pendente a designación dos dous representantes.

E non habendo mais asuntos de que tratar o señor presidente da por rematada a sesión ás trece horas e corenta e cinco minutos do día de referencia de todo o que eu como secretaria certifico.